

T-10

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 98. sjednici, održanoj dana 19.03.2021. godine, d o n o s i

## ZAKLJUČAK

### I.

Utvrđuje se Prijedlog Odluke o dopuni Odluke o prihvatanju kreditnog zaduženja prema Ugovoru o zajmu između Bosne i Hercegovine i Evropske banke za obnovu i razvoj (EBRD) i Bosne i Hercegovine i Razvojne banke Vijeća Evrope (CEB) za projekat „Izgradnja regionalnog vodovoda Plava voda“.

### II.

Prijedlog Odluke o dopuni Odluke o prihvatanju kreditnog zaduženja prema Ugovoru o zajmu između Bosne i Hercegovine i Evropske banke za obnovu i razvoj (EBRD) i Bosne i Hercegovine i Razvojne banke Vijeća Evrope (CEB) za projekat „Izgradnja regionalnog vodovoda Plava voda“ upućuje se u dalju skupštinsku proceduru.

### III.

Zaključak stupa na snagu danom donošenja.

Broj: 02-21-3434 /21  
Datum, 19.03.2021. godine  
Zenica



**PREMIJER**  
po Odluci predsjedavajućeg Skupštine

*Mirnes Bašić*

DOSTAVLJENO:

1x Ministarstvo za poljoprivredu, šumarstvo i vodoprivredu,  
1x Stručna služba Skupštine,  
1x a/a.

## PRIJEDLOG

Na osnovu člana 37. stav 1. tačka g) Ustava Zeničko-dobojskog kantona, Skupština Zeničko-dobojskog kantona na sjednici, održanoj dana \_\_\_\_\_, donosi

### **O D L U K U**

#### **O DOPUNI ODLUKE O PRIHVATANJU KREDITNOG ZADUŽENJA PREMA UGOVORU O ZAJMU IZMEĐU BOSNE I HERCEGOVINE I EVROPSKE BANKE ZA OBNOVU I RAZVOJ (EBRD) I BOSNE I HERCEGOVINE I RAZVOJNE BANKE VIJEĆA EVROPE (CEB) ZA PROJEKAT „IZGRADNJA REGIONALNOG VODOVODA PLAVA VODA“**

#### **Član 1.**

##### **(Dopuna člana 8. Odluke)**

U Odluci o prihvatanju kreditnog zaduženja prema Ugovoru o zajmu između Bosne i Hercegovine i Evropske banke za obnovu i razvoj (EBRD) i Bosne i Hercegovine i Razvojne banke Vijeća Evrope (CEB) za projekat „Izgradnja regionalnog vodovoda Plava voda“ („Službene novine Zeničko-dobojskog kantona“, broj: 7/17), u članu 8. dodaje se novi stav (2) koji glasi: „Izuzetno, u odnosu na stav (1) ovog člana, s obzirom da Fond za zaštitu okoliša Federacije BIH učestvuje u Projektu kao donator a ne dužnik u vidu otplate dijela kredita, Fond za zaštitu okoliša Federacije BIH nije obavezan prema Zeničko-dobojskom kantonu da obezbijedi instrumente osiguranja povrata sredstava kreditnog zaduženja“.

#### **Član 2.**

##### **(Stupanje na snagu Odluke i objavljivanje)**

Ova Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: \_\_\_\_\_

Datum: \_\_\_\_\_

**PRESJEDAVAJUĆI SKUPŠTINE**

**Ćazim Huskić**



## **O b r a z l o ž e n j e**

### **I – PRAVNI OSNOV ZA DONOŠENJE**

Član 37. stav 1. tačka g) Ustava Zeničko-dobojskog kantona.

### **II – RAZLOZI ZA DONOŠENJE**

Skupština Zeničko-dobojskog kantona je donijela Odluku o prihvatanju kreditnog zaduženja prema Ugovoru o zajmu između Bosne i Hercegovine i Evropske banke za obnovu i razvoj (EBRD) i Bosne i Hercegovine i Razvojne banke Vijeća Evrope (CEB) za projekat „Izgradnja regionalnog vodovoda Plava voda“ („Službene novine Zeničko-dobojskog kantona“, broj: 7/17).

Nakon toga, između Zeničko-dobojskog kantona, Federalnog ministarstva finansija i JP Regionalni vodovod „Plava voda“ Travnik, potpisani su supsidijarni ugovori (podugovori) o zajmu, a u cilju realizacije Ugovora o zajmu između Bosne i Hercegovine i Evropske banke za obnovu i razvoj i Bosne i Hercegovine (EBRD-e).

Gore navedenom Odlukom Skupštine Zeničko-dobojskog kantona o prihvatanju zaduženja, Zeničko-dobojski kanton se kreditno zadužio u ukupnom iznosu od 14.300,000,00 EUR-a, odnosno 65% ukupnog kreditnog zaduženja za finansiranje navedenog Projekta. Dakle, Kanton se zadužio ne samo za dio zajma koji je Kanton obavezan vraćati (17,50%), već i za dio Zajma koji su u obavezi vraćati Grad Zenica i Fond za okoliš FBiH.

U cilju garancije vraćanja sredstava Zajma, dana 01.07.2019. godine između Zeničko-dobojskog kantona i Grada Zenica je zaključen poseban Ugovor o garanciji, na osnovu kojeg je Grad Zenica dostavio Zeničko-dobojskom kantonu 30 popunjenih bjanko mjenica kao sredstvo obezbjeđenje povrata obaveza Zajma.

Naime, članom 8. pomenute Odluke Skupštine Zeničko-dobojskog kantona o prihvatanju zaduženja je propisano:

„Međusobna prava i obaveze prema ovom kreditnom zaduženju, između Zeničko-dobojskog kantona i subjekata koji učestvuju u povratu kreditnih sredstava i krajnjih korisnika kreditnih sredstava, uredit će se posebnim ugovorima, a nakon definiranja i obezbjeđenja instrumenata osiguranja povrata sredstava kreditnog zaduženja.

Dakle, Zeničko-dobojski kanton je na sličan način trebao obezbijediti i sredstvo obezbjeđenja od Fonda za zaštitu okoliša FBiH.

Fond za zaštitu okoliša Federacije BiH je aktom broj: 01-05-2-53-2954/2020 od 15.12.2020. godine oglasio se prema Ministarstvu finansija Zeničko-dobojskog kantona da Fond za zaštitu okoliša Federacije BiH učestvuje u Projektu kao donator a ne dužnik u vidu otplate dijela kredita u skladu sa Odlukom Vlade FBiH broj: 149/2016 od 22.01.2016. godine, te da je nakon zaključenog Ugovorom o podršci projektu „Regionalni vodovod Plava voda“, broj: 01-09-2-2088/2019 od 28.06.2019. godine (zaključenog između Fonda i JP Regionalnog vodovoda „Plava voda“ d.o.o. Travnik) od strane Fonda preuzeta obaveza vraćanja kredita, ista unesena u finansijske planove Fonda. U aktu se spominje da Fond bez naknade doprinosi implementaciji Projekta radom i

stručnom pomoći koju pruža u okviru tijela UO Projekta, komisijama za izbor izvođača radova i nadzor nad izvođenjem radova.

Na Prijedlog Odluke pribavljena su Mišljenja: Sekretarijata za zakonodavstvo Zeničko-dobojskog kantona broj: 03-11-3225/21 od 12.03.2021. godine, Ministarstva za pravosuđe i upravu Zeničko-dobojskog kantona, broj: 06/04/1-11-3225-1/21 od 15.03.2021. godine i Ministarstva finansija Zeničko-dobojskog kantona, broj: 07-11-3225/21 od 16.03.2021. godine.

### **III – DODATNA FINANSIJSKA SREDSTVA ZA PROVOĐENJE ODLUKE**

Za donošenje i provođenje ove odluke neće iziskivati dodatna sredstva iz budžeta Zeničko-dobojskog kantona.

1379/21

Bosna i Hercegovina  
Federacija Bosne i Hercegovine  
ZENIČKO-DOBOJSKI KANTON  
SEKRETARIJAT ZA  
ZAKONODAVSTVO



Bosnia and Herzegovina  
Federation of Bosnia &  
Herzegovina  
ZENICA-DOBOJ CANTON  
SECRETARIAT FOR  
LEGISLATION

Broj: 03-11-3225/21  
Zenica, 12.03.2021. godine

15 -03- 2021

MINISTARSTVO ZA POLJOPRIVREDU,  
ŠUMARSTVO I VODOPRIVREDU  
ZENIČKO – DOBOJSKOG KANTONA

**PREDMET: Mišljenje o Prijedlogu Odluke o dopuni Odluke o prihvatanju kreditnog zaduženja prema Ugovoru o zajmu između Bosne i Hercegovine i Evropske banke za obnovu i razvoj (EBRD) i Bosne i Hercegovine i Razvojne banke Vijeća Evrope (CEB) za projekat „Izgradnja regionalnog vodovoda „Plava voda“ - dostavlja se**

U skladu sa članom 2. Uredbe o Sekretarijatu za zakonodavstvo Vlade Zeničko-dobojskog kantona („Službene novine Federacije BiH“ broj 8/96 i broj: 2/05) i članom 31. stav 1. tačka a) Poslovnika o radu Vlade Zeničko-dobojskog kantona („Službene novine Zeničko-dobojskog kantona“ broj: 5/11), te na osnovu uvida u Prijedlog Odluke o dopuni Odluke o prihvatanju kreditnog zaduženja prema Ugovoru o zajmu između Bosne i Hercegovine i Evropske banke za obnovu i razvoj (EBRD) i Bosne i Hercegovine i Razvojne banke Vijeća Evrope (CEB) za projekat „Izgradnja regionalnog vodovoda Plava voda“, a u postupku utvrđivanja usklađenosti istog sa Ustavom, pravnim sistemom i metodološkim jedinstvom u izradi propisa dostavljam vam slijedeće

### MIŠLJENJE

Pravni osnov Prijedloga Odluke o dopuni Odluke o prihvatanju kreditnog zaduženja prema Ugovoru o zajmu između Bosne i Hercegovine i Evropske banke za obnovu i razvoj (EBRD) i Bosne i Hercegovine i Razvojne banke Vijeća Evrope (CEB) za projekat „Izgradnja regionalnog vodovoda Plava voda“ je pravilno utvrđen i usklađen sa propisima.


U nomotehničkom smislu Prijedlog Odluke je urađen u skladu sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“, broj: 5/08).

Stoga su se stekli uvjeti za davanje mišljenja shodno članu 31. stav (1) tačka a). Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 5/11) i upućivanje Prijedloga Odluke u dalju proceduru.

S poštovanjem,

Dostavljeno:

- 1x Naslovu,
- 1x Sekretar Vlade,
- 1x a/a.



SEKRETAR  
PO OVLAŠTENJU

*Hrgić*  
Hrgić

1380/21

15-03-2021

Bosna i Hercegovina  
Federacija Bosne i Hercegovine  
**ZENIČKO-DOBOJSKI KANTON**  
MINISTARSTVO ZA  
PRAVOSUĐE I UPRAVU



Bosnia and Herzegovina  
Federation of Bosnia and Herzegovina  
**ZENICA-DOBOJ CANTON**  
MINISTRY OF  
JUDICIARY & ADMINISTRATION

Ministarstvo za poljoprivredu, šumarstvo  
i vodoprivredu  
n/r ministra  
ovdje

Zenica, 15.03.2021. godine  
Veza vaš broj:05-11-3225-1/21 od 10.03.2021.god  
Broj: 06/04/1- 11-3225-1/21

**PREDMET: Prijedlog Odluke o dopuni Odluke o prihvatanju kreditnog zaduženja prema Ugovoru o zajmu između Bosne i Hercegovine i Evropske banke za obnovu i razvoj (EBRD) i Bosne i Hercegovine i Razvojne banke Vijeća Evrope (CEB) za Projekat „Izgradnja regionalnog vodovoda Plava voda“ - mišljenje, dostavlja se**

U skladu s članom 11. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15), i članom 31. stav (1) tačka b) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 5/11), te na osnovu uvida u tekst Prijedloga Odluke o dopuni Odluke o prihvatanju kreditnog zaduženja prema Ugovoru o zajmu između Bosne i Hercegovine i Evropske banke za obnovu i razvoj (EBRD) i Bosne i Hercegovine i Razvojne banke Vijeća Evrope (CEB) za Projekat (u daljem tekstu: Prijedlog Odluke) dostavljenom aktom veze, u postupku pravne analize Prijedloga Odluke, provedene s ciljem utvrđivanja usklađenosti istog sa:

- Europskom konvencijom o zaštiti ljudskih prava i sloboda i drugim pravima,
- Zakonom o prekršajima u Federaciji Bosne i Hercegovine („Službene novine Federacije Bosne i Hercegovine“, broj: 63/14),
- Zakonom o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05),
- Zakonom o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15), daje se

#### MIŠLJENJE


Ministarstvu za pravosuđe i upravu je aktom veze dostavljen Prijedloga Odluke o dopuni Odluke o prihvatanju kreditnog zaduženja prema Ugovoru o zajmu između Bosne i Hercegovine i Evropske banke za obnovu i razvoj (EBRD) i Bosne i Hercegovine i Razvojne banke Vijeća Evrope (CEB) za Projekat „Izgradnja regionalnog vodovoda Plava voda“, radi pribavljanja mišljenja u smislu člana 31. Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj 5/11).

Uvidom u odredbe Prijedloga Odluke utvrdili smo da je dostavljeni akt usaglašen s navedenim propisima.

Napominjemo, da za jezičko-gramatičke formulacije, kao i za pojedina pravna rješenja u dostavljenom tekstu Prijedloga Odluke, Ministarstvo ne snosi odgovornost.

Poštovanje,

Dostaviti:  
1 x Naslovu  
1 x a/a



MINISTAR

Nebojša Nikolić



Quality management system  
ISO 9001  
• Certificate holder  
• Certificate number: 03/1000000000  
• System registration: 03/1000000000  
ISO 9001:2015 12180022

Bosna i Hercegovina, Zenica, Kučukovići br. 2  
Telefon: 032/460 740 i 460 741; Fax: 032/460 742  
e-mail: min.prawosudje@zdk.ba,



Broj: 07-11-3225/21  
Zenica, 16.03.2021. godine

## MINISTARSTVO ZA POLJOPRIVREDU, ŠUMARSTVO I VODOPRIVREDU

**PREDMET:** Mišljenje na Prijedlog Odluke o dopuni Odluke o prihvatanju kreditnog zaduženja prema Ugovoru o zajmu između Bosne i Hercegovine i Evropske banke za obnovu i razvoj (EBRD) i Bosne i Hercegovine i Evropske banke Vijeća Evrope (CEB) za projekat „Izgradnja regionalnog vodovoda Plava voda“ – *dostavlja se*

Ministarstvo finansija je razmotrilo Prijedlog Odluke o dopuni Odluke o prihvatanju kreditnog zaduženja prema Ugovoru o zajmu između Bosne i Hercegovine i Evropske banke za obnovu i razvoj (EBRD) i Bosne i Hercegovine i Evropske banke Vijeća Evrope (CEB) za projekat „Izgradnja regionalnog vodovoda Plava voda“, te u skladu sa članom 8. Pravilnika o proceduri izrade izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj: 34/16 i 15/18) i članom 31. stav (1) tačka c) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 5/11), u pogledu fiskalne procjene ovog propisa, daje slijedeće

### MIŠLJENJE

Članom 5. stav 2. Zakona o budžetima u Federaciji BiH („Službene novine FBiH“, broj: 102/13, 9/14, 13/14, 8/15, 9/15, 102/15, 104/16, 5/18, 11/19 i 99/19), propisano je da „propisi koji imaju finansijske posljedice na budžet moraju biti obrazloženi, odnosno opravdani analizom troškova i koristi“.

U tački III Obrazloženja Prijedloga Odluke navedeno je da „donošenje i provođenje ove Odluke neće iziskivati dodatna sredstva iz budžeta Zeničko-dobojskog kantona“.

Takoder, u dostavljenoj Izjavi o fiskalnoj procjeni – Obrazac I/P-NE od 10.03.2021. godine, navedeno je da „donošenje i provođenje ove Odluke neće iziskivati dodatna sredstva iz budžeta Zeničko-dobojskog kantona“.

Imajući u vidu navedeno, Ministarstvo finansija u navedenom dijelu nema primjedbi i sugestija iz svoje nadležnosti.

Medutim, članom 8. stav (1) Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj i Bosne i Hercegovine i Razvojne banke Vijeća Evrope za Projekat izgradnja Regionalnog vodovoda „Plava voda“ („Službene novine Zeničko-dobojskog kantona“, broj 7/17) je propisano:

„Medusobna prava i obaveze prema ovom kreditnom zaduženju, između Zeničko-dobojskog kantona i subjekata koji učestvuju u povratu kreditnih sredstava i krajnjih korisnika kreditnih sredstava, uredit će se posebnim ugovorima, a nakon definiranja i obezbijedenja instrumenata osiguranja povrata sredstava kreditnog zaduženja...“

Navedenom Odlukom Skupštine Zeničko-dobojskog kantona o prihvatanju zaduženja, Zeničko-dobojski kanton je se kreditno zadužio u ukupnom iznosu od 14.300.000,00 EUR-a, odnosno 65% ukupnog kreditnog zaduženja za finansiranje navedenog Projekta.

Dakle, Kanton se zadužio ne samo za dio zajma koji je Kanton obavezan vraćati (17,50%), već i za dio Zajma koji su u obavezi vraćati Grad Zenica i Fond za okoliš FBiH.

S tim u vezi, u cilju garancije vraćanja sredstava Zajma, dana 01.07.2019. godine između Zeničko-dobojskog kantona i Grada Zenica je zaključen poseban Ugovor o garanciji, na osnovu kojeg je Grad Zenica dostavio Zeničko-dobojskom kantonu 30 popunjenih bjanko mjenica kao sredstvo obezbjeđenje povrata obaveza Zajma.

Ministarstvo finansija Zeničko-dobojski kantona je u posljednjih 20 mjeseca pokušavalo, ali bezuspješno, obezbijediti i sredstva obezbjeđenja povrata pripadajućeg dijela Zajma i od Fonda za zaštitu okoliša FBiH.

Zbog činjenice da nije nikada do kraja završena procedura izdavanja mjenica od strane Fonda za zaštitu okoliša prema Zeničko-dobojskom kantonu i JP Plava voda Travnik, doveden je u pitanje cijeli Projekat, pa s tim u vezi i dostavljanje mjenica od strane Zeničko-dobojskog kantona prema Federalnom ministarstvu finansija, kao instrumenata obezbjeđenja povrata obaveza Zajma kod Evropske banke za obnovu i razvoj i Bosne i Hercegovine (EBRD-e), a također zbog istih razloga nisu uopće provodene dalje aktivnosti na zaključivanju podugovora o zajmu za „Projekat regionalni vodovod Plava voda“, na osnovu Okvirnog sporazuma o zajmu između Bosne i Hercegovine i Razvojne banke Vijeća Evrope (CEB).

S tim u vezi, Ministarstvo finansija Zeničko-dobojskog kantona se svojim dopisima u više navrata po navedenom pitanju obraćalo JP Regionalni vodovod „Plava voda“ Travnik i Fondu za zaštitu okoliša FBiH, u cilju izdavanja mjenica od strane Fonda za zaštitu okoliša FBiH za definirani dio učešća u kreditnom zaduženju Fonda kod EBRD-a za projekt „Izgradnja Regionalnog vodovoda Plava voda u Travniku“.

Fond za zaštitu okoliša Federacije BiH je se u svome aktu broj: 01-05-2-53-2951/2020 od 15.12.2020. godine oglosio prema Ministarstvu finansija Zeničko-dobojskog kantona, i naveo da Fond za zaštitu okoliša Federacije BiH učestvuje u navedenom Projektu kao donator a ne dužnik u vidu otplate dijela kredita u skladu sa Odlukom V Vlade Federacije BiH broj: 149/2016 od 22.01.2016. godine, te da je nakon zaključenog Ugovora o podršci projektu „Regionalni vodovod Plava voda“, broj: 01-09-2-2088/2019 od 28.06.2019. godine (zaključenog između Fonda i JP Regionalnog vodovoda „Plava voda“ d.o.o. Travnik) od strane Fonda preuzeta obaveza vraćanja kredita, ista unesena u finansijske planove Fonda. U aktu se spominje da Fond bez naknade doprinosi implementaciji Projekta radom i stručnom pomoći koju pruža u okviru tijela UO Projekta, komisijama za izbor izvođača radova i nadzor nad izvođenjem radova.

U prilogu navedenog akta Fonda dostavljeni su dokazi da je obaveza učešća Fonda preuzeta i unesena u sve planove Fonda:

- Program rada Fonda za zaštitu okoliša Federacije Bosne i Hercegovine za 2020 godinu („Službene novine Federacije BiH“, broj: 98/19),
- Finansijski plan Fonda za zaštitu okoliša Federacije Bosne i Hercegovine za 2020 godinu sa procjenom od 2021. do 2023. godine („Službene novine Federacije BiH“, broj: 98/19),
- Izvod iz internih akata Fonda (Izvod iz tabele – Rashodi i izdaci razvrstani po ekonomskim kategorijama za period izvještavanja od 01.01.2020. – 01.11.2020. godine i Izvod iz tabele – Plana obaveza Fonda – Rekapitulacija po aktivnostima.

Također, dostavljeno je i Mišljenje Federalnog ministarstva okoliša i turizma, broj: 04-23-1139/15 od 10.5.2019. godine, u kojem je navedeno da odredbe Zakona o fondu za zaštitu okoliša FBiH, „ne definišu izdavanje instrumenata osiguranja za otplatu kreditnih sredstava za projekte koje sufinansira po odluka Vlade Federacije Bosne i Hercegovine. Pored navedenog, smatramo da predmetna odluka Vlade Federacije Bosne i Hercegovine daje dovoljno garancije kako za sam instrument otplate kreditnih sredstava, tako i za njegovu cjelokupnu implementaciju.“

Isto tako, članom 5. stav 3. Ugovora o podršci projektu „Regionalni vodovod Plava voda“, broj: 01-09-2-2088/2019 od 28.06.2019. godine, zaključenog između Fonda i JP Regionalnog vodovoda „Plava voda“ d.o.o. Travnik je propisano da će u slučaju kašnjenja u otplati Zajma od strane Fonda istom biti zaračunata zatezna kamata.

S poštovanjem.

Dostavljeno:

1x Naslovu,  
1x a/a.



Bosna i Hercegovina, Zenica, Knežkovići br. 2  
Tel. Tel. 032/460-771; Fax: 460-772; E-mail: min.finansija@zsk.ba



## OBRAZAC IZJAVA O FISKALNOJ PROCJENI

**Obrazac IFP NE**

### A 1. Obradivač propisa

	KOD	NAZIV
Razdjel	23	MINISTARSTVO ZA POLJOPRIVREDU, ŠUMARSTVO I VODOPRIVREDU ZENIČKO-DOBOJSKOG KANTONA

### B 2. Osnovni podaci o prijedlogu propisa

Vrsta propisa/akta	Zakon	NE	Odluka	DA	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta	Prijedlog Odluke o dopuni Odluke o prihvatanju kreditnog zaduženja prema Ugovoru o zajmu između Bosne i Hercegovine i Evropske banke za obnovu i razvoj (EBRD) i Bosne i Hercegovine i Razvoine banke Vijeća Evrope (CEB) za projekat „Izgradnja regionalnog vodovoda Plava voda“					


### C 3. Izjava o nepostojanju dodatnih fiskalnih efekata predloženog propisa

Za donošenje i provođenje ove Odluke neće iziskivati dodatna sredstva iz budžeta Zeničko-dobojskog kantona.

### D 4. Pečat i potpis odgovornog lica

Mjesto i datum

ZENICA, 17.03.2021. GODINE





Broj: 01 – 05 – 2 – 53 – 29.17/2020  
Sarajevo, 23.12.2020. godine

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
MINISTARSTVO FINANSIJA  
Kačukovići 2  
72 000 Zenica  
N/r g-din Josip Lovrić, Ministar

JP RV „PLAVA VODA“ D.O.O. TRAVNIK  
Zenjak bb.  
72 270 Travnik  
N/r g-din Ernad Granić, V.D. Direktor

**PREDMET:** Odgovor na zahtjev za izjašnjenje Fonda za zaštitu okoliša FBiH  
veza: dopis Ministarstva finansija Zeničko-dobojskog kantona broj 07-21-  
10145-2/20 od 08.12.2020. godine

Poštovani,

Na osnovu Vašeg dopisa, „*Izjašnjenje o razlozima netzdvavanja mjenica od strane Fonda za zaštitu okoliša Federacije BiH u postupku realizacije Ugovora o zajmu između Bosne i Hercegovine i Evropske banke za obnovu i razvoj i Bosne i Hercegovine za projekat Regionalni vodovod Plava voda*“ br. 07-21-10145-2/20 od 08.12.2020. godine, kao i raspoloživih informacija i dokumentacije koja je po predmetu projekta „*Izgradnja regionalnog vodovoda Plava voda*“ (Projekat) do sada dostavljena u Fond za zaštitu okoliša FBiH (Fond), ovim putem Vas obavještavamo o slijedećem:

- Fondu za zaštitu okoliša FBiH je Odlukom V broj 149/2016 Vlade FBiH od 22.01.2016. godine data saglasnost na podršku zajmu za projekat „Plava voda“ sa EBRD-om i to za potpisivanje Ugovora o podršci zajmu u traženom dijelu učešća Fonda u projektu od 25 % od ukupnog zaduženja, odnosno 6.129.345,00 KM u vremenskom intervalu od 15 godina (2016-2030).



- O svemu prethodnom je u fazi pripreme Ugovora o podršci projektu „Regionalni vodovod Plava voda“ bila obavještena EBRD, koja nije imala zahtjeva u ovom kontekstu, te je predmetni Ugovor potpisan od strane Fonda 28.06.2019. godine.
- Ističemo da ugovorima potpisanim od strane Fonda, na koje je i dobivena saglasnost, odnosno koji su po formi i sadržaju prihvaćeni od EBRD-a, nije definirana obaveza Fonda u pogledu izdavanja sredstva osiguranja na iznos učešća Fonda za zaštitu okoliša Federacije BiH u procesu kreditnog zaduženja i otplate kredita EBRD-a.
- Imajući u vidu da je kredit EBRD postao efektivnim 2019. godine, u skladu sa preuzetim ugovornim obavezama, Fond učestvuje u otplati zajma. Do sada su prema JP RV Plava voda su plaćene 3 situacije za uplate 3 dospjela anuiteta prema EBRD-u.
- **Obaveza učešća Fonda u otplati kredita EBRD-a po Odluci Vlade FBiH broj 149/2016 od 22.01.2016. godine preuzeta je i unesena u sve planove Fonda, a kao dokaz navedenom, u prilogu Vam dostavljamo:**
  - Program rada Fonda za zaštitu okoliša Federacije Bosne i Hercegovine za 2020. godinu – Sl. novine Federacije BiH br.98 (prilog br.7)
  - Finansijski plan Fonda za zaštitu okoliša Federacije Bosne i Hercegovine za 2020. godinu sa procjenom od 2021. do 2023. godine -- Sl. novine Federacije BiH br.98 (prilog br.8)
  - Izvod iz internih akata Fonda (prilog br.9)
    - Izvod iz tabele – Rashodi i izdaci razvrstani po ekonomskim kategorijama za period izvještavanja od 01.01.2020 – 01.11.2020. godine
    - Izvod iz tabele – Plana obaveza Fonda – Rekapitulacija po aktivnostima
- Napominje se i to da je otplata kredita ugovorena na način da se godišnje EBRD-u uplaćuju po dvije rate (najkasnije do 28.02. i 28.08. tekuće godine), te imajući u vidu da je prva rata uplaćena 28.08.2019. godine, time je preuzeto zaduženje Fonda po ovoj osnovi do 28.08.2030. godine. Iznos rata koje se uplaćuju prema EBRD-u nije jednak, već ovisan o dinamici povlačenja sredstava, odnosno obračunu kamate na povučena i nepovučena sredstva. Stoga je sa JP RV Plava voda dogovoreno da se uz svaku situaciju Fondu dostavlja i prikaz realizacije i plana povlačenja sredstava, kao i tabelarni pregled obračuna budućih anuiteta u skladu sa trenutnom situacijom.
- Prema posljednjem pregledu plana povlačenja kreditnih sredstava planira se da kompletna sredstva, namjenjena za izvođenje radova budu povučena od EBRD-a zaključno sa 2023. godinom. Kako je i uneseno u planove Fonda za 2021. i naredne 3 godine, u idućoj godini potrebno je osigurati 200.733,07 KM, 2022. iznos zaduženja Fonda je procjenjen na 385.771,00 KM, dok je za uplatu rata i učešće Fonda u otplati kredita EBRD-a u 2023. godini rezervirano 605.576,86 KM.



- U skladu sa procedurama svi nacrti ugovora su dostavljeni kreditoru na uvid, te su ugovori potpisani od strane „ugovornih strana“ tek nakon pregleda i po prihvatu od strane EBRD-a.
- Od strane Fonda potpisani su svi supsidijarni ugovori, odnosno:
  - 20.12.2017. godine je potpisan Ugovor od podršci Zajmu između FBiH, Fonda za zaštitu okoliša FBiH, ZDK, SBK i EBRD
  - 28.06.2019. godine između Fonda za zaštitu okoliša FBiH i JP RV Plava voda potpisan Ugovor o podršci projektu „Regionalni vodovod Plava voda“ broj: 01-09-2-2088/2019)
- U fazi pripreme nacrtu Ugovora o podršci projektu „Regionalni vodovod Plava voda“, te prethodno iznesenih zahtjeva prema Fondu, a koji su se ticali izdavanja instrumenta osiguranja za dio sredstava sa kojima Fond učestvuje u Projektu „Plava voda“, Fond je 29.04.2019. godine prema Federalnom ministarstvu finansija i Federalnom ministarstvu okoliša i turizma uputio dopis „Molba za davanjem Mišljenja o pravnoj valjanosti izdavanja sredstva osiguranja na iznos učešća Fonda za zaštitu okoliša Federacije BiH u procesu kreditnog zaduženja i otplate za Projekat Izgradnja regionalnog vodovoda Plava voda u Travniku“ (akt br. 01-05-1-19-1594 - prilog br. 1).
- Slijedom navedenog, 14.05.2019. godine Federalno ministarstvo okoliša i turizma je u Fond dostavilo mišljenje (akt br. 04-23-1139/15 od 10.05.2019. godine - prilog br. 2) u kojem je između ostalog navedeno:
  - „smatramo da predmetna Odluka Vlade Federacije Bosne i Hercegovine daje dovoljne garancije kako za sam instrument otplate kreditnih sredstava, tako i za njegovu cjelokupnu implementaciju“.U aktu Federalnog ministarstva finansija (br. 08-45-1-3336/19 E.K. od 09.05.2019. godine - prilog br. 3), kao odgovor na zahtjev Fonda za davanjem mišljenjem je, između ostaloga, navedeno i slijedeće:
  - „Fond je preuzeo obavezu da će zaključiti ugovor sa JP Regionalni vodovod „Plava voda“ d.o.o. Travnik kojim će se urediti međusobna prava i obaveze ugovornih strana“
  - „Zaključenjem ovog ugovora Fond će se obavezati prema JP Regionalni vodovod „Plava voda“ d.o.o. Travnik na ispunjenje novčanih obaveza u određenim rokovima“
  - „Kao instrument osiguranja plaćanja, odnosno ispunjenja preuzetih obaveza, ugovorne strane mogu dogovoriti izdavanje mjenica, ali ponovo naglašavamo da Banka i Federalno ministarstvo finansija-financija na tome ne insistiraju, niti se tome protive“
- O prethodnom, a sve u cilju ispunjenja obaveza u pogledu pripreme i usaglašavanja Nacrta Ugovora o podršci projektu „Regionalni vodovod Plava voda“ Fond je 29.05.2019. godine informirao JP RV Plava voda (akt br. 01-05-1-23-1898/2019 – prilog br.4).
- 10.06.2019. godine u Fond je ponovno dostavljen akt (br. 62/19 od 07.06.2019. godine – prilog br.5) JP RV Plava voda, po kojem se Fond obratio Vladi Federacije BiH sa molbom da se definiše način i postupanje Fonda po pitanju izdavanja mjenica prema JP RV Plava voda (akt br. 01-05-1-25-2006/2019 od 19.06.2019. godine – prilog br.6).



Fond nikada nije doveo u pitanje niti projekat, niti svoju ulogu u istome, koja je definirana Odlukom Vlade Federacije BiH, kao i Ugovorom od podršci zajmu i Ugovorom o podršci projektu „Regionalni vodovod Plava voda“ i kao takva preuzeta i unesena u planove.

Fond u skladu sa odredbama ugovora redovno ispunjava preuzete i dodjeljene obaveze sufinansijera, te dodatno, bez naknada, doprinosi implementaciji Projekta radom i stručnom pomoći koju pruža u okviru tijela UO Projekta, komisijama za izbor izvođača radova i nadzor nad izvođenjem radova.

Napominjemo i to da se sredstva Fonda krajnjim korisnicima dodjeljuju kao grant ili zajam, a u ovom slučaju se radi o donaciji u vidu otplate dijela kredita, pri čemu se Fond u Projekat Plava voda uključuje po osnovu Odluke Vlade Federacije BiH i to u ulozi donatora, a ne dužnika.

S poštovanjem,

Direktor

  
Dr. sci.oec. Fuad Čibukčić

Dostaviti:

- Naslovu
- a/a

Prilozi:

- prilog br. 1 – akt br. 01-05-1-19-1594 od 29.04.2019. godine – Molba Fonda za davanje mišljenja, upućena Federalnom ministarstvu finansija i Federalnom ministarstvu okoliša i turizma
- prilog br. 2 – akt br. 04-23-1139/15 od 10.05.2019. godine – Mišljenje Federalnog ministarstva okoliša i turizma
- prilog br. 3 – akt br. 08-45-1-3336/19 E.K. od 09.05.2019. godine – Dopis Federalnog ministarstva finansija
- prilog br. 4 – akt br. 01-05-1-23-1898/2019 od 29.05.2019. godine – Informacija upućena JP RV Plava voda o statusu i realizaciji obaveza Fonda
- prilog br. 5 – akt br. 62/19 od 07.06.2019. godine – Urgencija JP RV Plava voda
- prilog br. 6 – akt br. 01-05-1-25-2006/2019 od 19.06.2019. godine – Molba Fonda prema Vladi Federacije BiH
- prilog br. 7 – Program rada Fonda za zaštitu okoliša Federacije BiH za 2020. godinu
- prilog br. 8 – Finansijski plan Fonda za zaštitu okoliša Federacije BiH za 2020. godinu sa procjenom od 2021. do 2023. godine
- prilog br. 9 – Izvod iz internih akata Fonda

233.

Na osnovu člana 37. stav 1. tačka f) i g) Ustava Zeničko-dobojskog kantona, Skupština Zeničko-dobojskog kantona, na 43. sjednici, održanoj dana 04.07.2017. godine, donosi

**Z A K O N**  
**O IZMJENAMA ZAKONA O IZVRŠAVANJU**  
**BUDŽETA ZENIČKO-DOBOJSKOG KANTONA**  
**ZA 2017. GODINU**

**Član 1.**  
**(Izmjene člana 9. Zakona)**

U članu 9. Zakona o izvršavanju Budžeta Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16), stavovi (3) i (4), mijenjaju se i glase:

“(3) Gornji iznos novog zaduživanja Kantona u 2017. godini iznosi 61.128.077,42 KM i pripadajuće kamate, i to u svrhu:

- a) finansiranja budžetskog deficita Kantona 30.000.000,00 KM,
- b) učestvovanja u projektu “Energetska efikasnost u BiH” za Federaciju BiH, a koji će se finansirati iz kredita Svjetske banke preko Međunarodne asocijacije za razvoj do 3.128.077,42 KM, i
- c) prihvatanja zaduženja Zeničko-dobojskog kantona prema Federaciji Bosne i Hercegovine po ugovoru o zajmu zaključenom između Bosne i Hercegovine i Evropske banke za obnovu i razvoj (EBRD) i Bosne i Hercegovine i Razvojne banke Vijeća Evrope (CEB) za projekat “Izgradnja regionalnog vodovoda Plava voda”, u iznosu do 28.000.000,00 KM, a što uključuje i davanje garancije Javnom preduzeću Regionalni vodovod “Plava voda” d.o.o. Travnik, u iznosu do 7.530.000 KM (odnosno 3.850.000,00 EUR-a).

Navedeni iznos garancije (do 7.530.000 KM), ujedno predstavlja iznos sredstava koji je Zeničko-dobojski kanton kao svoj dio od ukupnog iznosa zaduženja (28.000.000,00 KM), dužan vratiti Federaciji BiH, na ime glavnice duga po ovom kreditnom zaduženju.

(4) Obaveze iz osnova tekućih oplata duga Zeničko-dobojskog kantona u 2017. godini po osnovu vanjskog i unutrašnjeg duga utvrđene Budžetom Kantona za 2017. godinu prema otplatnim planovima kreditora iznose ukupno 13.181.538,00 KM.”.

**Član 2.**  
**(Stupanje na snagu)**

Zakon stupa na snagu narednog dana od dana objavljivanja u “Službenim novinama Zeničko-dobojskog kantona.

Broj: 01-02-9761/17

Datum, 04.07.2017. godine

Z e n i c a

PREDSJEDAVAJUĆI

Jasmin Duvnjak, s.r.

234.

Na osnovu člana 37. stav 1. tačka g) Ustava Zeničko-dobojskog kantona, člana 67. Zakona o budžetima u Federaciji Bosne i Hercegovine („Službene novine Federacije BiH, broj 102/13, 9/14, 13/14, 8/15, 9/15, 102/15 i 104/16), a u vezi sa članom 38., 40. i 41. Zakona o dugu, zaduživanju i garancijama u Federaciji Bosne i Hercegovine („Službene novine Federacije Bosne i Hercegovine“, broj: 86/07, 24/09, 44/10 i 30/16), Skupština Zeničko-dobojskog kantona na 43. sjednici, održanoj dana 04.07.2017. godine, donosi

**O D L U K U**  
**O PRIHVATANJU KREDITNOG ZADUŽENJA**  
**PREMA UGOVORU O ZAJMU IZMEĐU BOSNE I**  
**HERCEGOVINE I EVROPSKE BANKE ZA**  
**OBNOVU I RAZVOJ (EBRD) I BOSNE I**  
**HERCEGOVINE I RAZVOJNE BANKE VIJEĆA**  
**EVROPE (CEB)**  
**ZA PROJEKAT „IZGRADNJA REGIONALNOG**  
**VODOVODA PLAVA VODA“**

**Član 1.**  
**(Predmet Odluke)**

- (1) Zeničko-dobojski kanton (u daljem tekstu: Kanton) prihvata kreditno zaduženje Federacije Bosne i Hercegovine (u daljem tekstu: Federacija) u ukupnom iznosu do 14.300.000,00 EUR-a (slovima: četmaestmiliona i tristohiljada eura).

(2) Ukupno kreditno zaduženje sastoji se od zaduženja u iznosu do 7.150.000,00 EUR-a (slovima: sedam miliona i sto pedeset hiljada eura) na osnovu kredita Evropske banke za obnovu i razvoj (u daljem tekstu: EBRD) i zaduženja u iznosu do 7.150.000,00 EUR-a (slovima: sedam miliona i sto pedeset hiljada eura) na osnovu kredita Razvojne banke Vijeća Evrope (u daljem tekstu: CEB).

**Član 2.**  
**(Namjena kreditnih sredstava)**

Kreditna sredstva iz član 1. ove Odluke namijenjena su za finansiranje projekta „Izgradnja regionalnog vodovoda Plava voda“ (u daljem tekstu: Projekat), čiji je osnovni cilj i svrha osiguranje pouzdanog, dugoročnog i kvalitetnog snabdijevanja vodom preko regionalnog sistema vodosnabdijevanja Grada Zenice i općina Travnik, Novi Travnik, Vitez, Busovača, zahvatanjem vode sa izvorišta „Plava voda“, lociranog u općini Travnik.

- Fond za zaštitu okoliša Federacije BiH
- Srednjobosanski kanton
- Zeničko-dobojski kanton
- Grad Zenica
- Općina Novi Travnik
- Općina Vitez
- Općina Busovača

**U K U P N O:**

5.500.000,00 EUR-a	ili	25,00 %
1.650.000,00 EUR-a	ili	7,50 %
3.850.000,00 EUR-a	ili	17,50 %
7.620.800,00 EUR-a	ili	34,64 %
1.276.000,00 EUR-a	ili	5,80 %
756.800,00 EUR-a	ili	3,44 %
1.346.400,00 EUR-a		6,12 %
<b>22.000.000,00 EUR-a</b>	<b>ili</b>	<b>100,00%</b>

**Član 5.**  
**(Uslovi otplate kreditnog zaduženja)**

Kreditna sredstva iz člana 1. ove Odluke, prihvataju se pod sljedećim uslovima:

a) Za kreditna sredstva EBRD-a uslovi su sljedeći:

- 1) Iznos kredita: 7.150.000,00 EUR-a
- 2) Rok otplate: 15 godina
- 3) Grejs period: 3 godine
- 4) Kamata: šestomjesečni EURIBOR plus marža od 1% godišnje
- 5) Jednokratna provizija: 1% na iznos glavnice
- 6) Provizija na raspoloživi iznos zajma: 0,5% godišnje na nepovučeni iznos zajma.

**Član 3.**  
**(Visina kreditnih sredstava)**

Kreditna sredstva iz člana 1. Odluke čine do 65 % ukupnog kreditnog zaduženja za finansiranje Projekta iz člana 2. Odluke koje iznosi 22.000.000,00 EUR-a (slovima: dvadesetdvamiliona eura), od čega kreditno zaduženje kod EBRD-a iznosi 11.000.000,00 EUR-a (slovima: jedanaestmiliona eura), a kreditno zaduženje kod CEB-a iznosi 11.000.000,00 EUR-a (slovima: jedanaestmiliona eura).

**Član 4.**  
**(Učešće subjekata u otplati ukupnog kreditnog zaduženja)**

Učešće pojedinih subjekata u otplati ukupnog kreditnog zaduženja, u iznosu od 22.000.000,00 EUR-a (slovima: dvadesetdvamiliona eura) je sljedeće:

b) Za kreditna sredstva CEB-a uslovi su sljedeći:

- 1) Iznos kredita: 7.150.000,00 EUR-a
- 2) Rok otplate: 15 godina
- 3) Grejs period: do 5 godina
- 4) Kamata: šestomjesečni EURIBOR-subvencije kamatne stope
- 5) Jednokratna provizija: 0-1%
- 6) Provizija na raspoloživi iznos zajma: ne
- 7) Kamata će biti fiksna, posebno za svaku tranšu povlačenja, a ovisit će od valute plaćanja svake tranše kredita, od iznosa svake tranše, kao i od perioda otplate. Za povlačenje u eurima primjenjivat će se EURIBOR, a za povlačenje u USD-ima, primjenjivat će se USD-LIBOR.

**Član 6.**  
**(Prenos kreditnih sredstava)**

Kreditna sredstva iz člana 1. ove Odluke, Federacija će posebnim podugovorom prenijeti na Kanton.

**Član 7.**  
**(Način naplate dospjelih obaveza)**

(1) Kanton se obavezuje da će u svrhu naplate potraživanja iz člana 1. Odluke, Federaciji dostaviti bjanko mjenice, kojim Kanton ovlašćuje Federaciju da primljene bjanko mjenice može koristiti za naplatu dospjelog potraživanja.

(2) U slučaju neredovnih izmirenja obaveza po kreditnom zaduženju, Kanton je saglasan da Federacija bez upozorenja može dospjele obaveze direktno naplatiti sa računa javnih prihoda, i to iz dijela prihoda koji pripadaju Kantonu.

**Član 8.**  
**(Obezbjeđenje povrata kredita)**

Međusobna prava i obaveze prema ovom kreditnom zaduženju, između Zeničko-dobojskog kantona i subjekata koji učestvuju u povratu kreditnih sredstava i krajnjih korisnika kreditnih sredstava, uredit će se posebnim ugovorima, a nakon definisanja i obezbjeđenja instrumenata osiguranja povrata sredstava kreditnog zaduženja.

**Član 9.**  
**(Obezbjeđenje otplate kreditnih sredstava)**

Daje se ovlaštenje Vladi Zeničko-dobojskog kantona za izdavanje garancije za otplatu kreditnih sredstava prema Javnom preduzeću Regionalni vodovod „Plava voda“ d.o.o. Travnik na iznos od 3.850.000,00 EUR-a (slovima: trimilionaosamstopestihiljada eura).

**Član 10.**  
**(Zaključivanje ugovora)**

Ovlašćuje se Vlada Zeničko-dobojskog kantona da ispunjavanjem uslova iz člana 8. Odluke u ime Kantona zaključi:

- a) Supsidijaran ugovor o zajmu sa Federacijom o prenosu kreditnih sredstava po Projektu iz člana 1. Odluke,

b) Supsidijaran ugovor o zajmu sa Javnim preduzećem Regionalni vodovod „Plava voda“ d.o.o. Travnik na iznos do 14.300.000,00 EUR-a i

c) Ugovor o podršci zajma između Federacije BiH, Fonda za zaštitu okoliša Federacije BiH, Zeničko-dobojskog kantona, Srednjobosanskog kantona i Evropske banke za obnovu i razvoj (EBRD).

**Član 11.**  
**(Osiguranje sredstava)**

(1) U periodu dospjeća obaveza po kreditnom zaduženju, osigurat će se sredstva za izmirenje dospjelih obaveza iz Budžeta Zeničko-dobojskog kantona.

(2) Za otplatu kreditnih sredstava u iznosu od 3.850.000,00 EUR-a, koristit će se sredstva vodnih naknada koja su planirana Gradu Zenica shodno Programu utroška sredstava vodnih naknada.

(3) Ukoliko sredstva koja se uberu na godišnjem nivou po osnovu vodnih naknada budu manja od godišnje rate kreditnog zaduženja, razlika će se osigurati iz tekućih sredstava Budžeta Kantona.

**Član 12.**  
**(Realizacija Odluke)**

(1) Vlada Zeničko-dobojskog kantona se zadužuje za realizaciju Odluke i izvještavanje prema Skupštini Kantona.

(2) Ova Odluka će se dostaviti Federalnom ministarstvu finansija na dalje postupanje.

**Član 13.**  
**(Prestanak važenja Odluke)**

Ovom Odlukom stavlja se van snage Odluka o davanju saglasnosti na zaduženje Zeničko-dobojskog kantona po Ugovoru o zajmu zaključenog između Bosne i Hercegovine i Evropske banke za obnovu i razvoj (EBRD) i Bosne i Hercegovine i Evropske banke Vijeća Evrope (CEB) za projekat „Izgradnja regionalnog vodovoda Plava voda“ broj: 01-14-1381/16 od 27.01.2016. godine („Službene novine Zeničko-dobojskog kantona“, broj: 1/16).

**Član 14.****(Stupanje na snagu Odluke i objavljivanje)**

Ova Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 01-14-9762/17

Datum, 04.07.2017. godine

Zenica

**PREDSJEDAVALAČI****Jasmin Duvnjak, s.r.****V L A D A**

235.

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj: 7/10), i člana 11. stav 2. Zakona o koncesijama Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj: 5/03), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 99. sjednici održanoj dana 16.06.2017. godine, d o n o s i

**O D L U K U**

**o dodjeli koncesije za izgradnju i korištenje male hidroelektrane: MHE: „KULA“ snage 3.370 kW, na rijeci Stavnji, općina Vareš**

**Član 1.****(Predmet)**

Investitoru „EKVA“ d.o.o. Vareš (u daljem tekstu: Koncesionar) dodjeljuje se koncesija za izgradnju i korištenje male hidroelektrane: MHE: „KULA“ snage 3.370 kW, na rijeci Stavnji, na parcelama označenim kao k.č. 1968 u K.O. Striježevo i k.č. 794/1 u K.O. Dabravine općina Vareš.

**Član 2.****(Način dodjele)**

(1) Koncesija se dodjeljuje za izgradnju MHE prema D.B.O.T. modelu (Projektuj, Izgradi, Upravljaj, Prenesi), a uključuje izradu projektne dokumentacije, finansiranje svih nabavki i nadoknada koje se tiču

izgradnje MHE, prikupljanje i realizaciju obaveza prema izdatim dozvolama i sporazumima, izgradnju MHE sa odgovarajućim objektima, probni rad i komercijalni rad tokom perioda koncesije i prenos objekata nakon isteka perioda koncesije.

(2) Početak komercijalnog pogona treba biti najkasnije u roku od 3 mjeseca od izdavanja odobrenja za upotrebu objekta.

**Član 3.****(Vrijeme trajanja koncesije)**

Koncesija za izgradnju MHE po ovoj Odluci dodjeljuje se na vrijeme od 30 (slovima: trideset) godina, računajući početak koncesije od dana početka korištenja koncesije, odnosno početka proizvodnje električne energije, ali ne duže od roka iz člana 2. stav 2. ove Odluke.

**Član 4.****(Plaćanje tekuće koncesione naknade)**

(1) Koncesionar je dužan da plaća naknadu za korištenje koncesije po ovoj Odluci u visini, na način i po postupku i rokovima koji će se utvrditi Ugovorom o koncesiji.

(2) Za vrijeme trajanja koncesije korisnik koncesije je obavezan da plaća tekuću koncesionu naknadu u visini od 5 % od ukupnog prihoda od proizvedene električne energije.

**Član 5.****(Plaćanje jednokratne koncesione naknade)**

Koncesionar je dužan uplatiti jednokratnu koncesionu naknadu u iznosu od 107.000,00 KM (slovima: stotinu-sedamhiljada konvertibilnih maraka), prije potpisivanja ugovora o koncesiji.

**Član 6.****(Raspodjela koncesione naknade)**

Naknade iz članova 4. i 5. ove Odluke predstavljaju prihod Zeničko-dobojskog kantona i općine Vareš u omjeru koji je određen Odlukom Vlade Zeničko-dobojskog kantona o načinu raspodjele i korištenju finansijskih sredstava prikupljenih po osnovu kontinuirane i jednokratne naknade od koncesija (“Službene novine Zeničko-dobojskog kantona”, broj: 1/13).